

Mensahe 2

Makaabot sa Dag-anan

Basahong Kasulatan: 2 Tim. 4:7b; Buh. 20:24; 1 Cor. 9:24-26; Heb. 12:1-2a

I. “Nakaabot na ko sa dag-anan”—2 Tim. 4:7b:

- A. Nagsugod si Pablo sa pagdagan sa langitnong lumba human siya mabatoni sa Ginoo, ug nagpadayon gyod siya sa pagdagan (1 Cor. 9:24-26; Fil. 3:12-14) aron matapos niya kini (Buh. 20:24).
- B. Karon sa kataposan madaogon siyang nagpahayag, “Nakaabot na ko sa dag-anan” (2 Tim. 4:7b); alang niini makadawat siyag ganti gikan sa Ginoo—ang purongpurong sa pagkamatarong (v. 8).

II. Naglambigit ang hustong Cristohanong kinabuhi sa pagdagan sa dag-anan, pagdagan sa lumba aron matuman ang pamatigayon sa Dios segun sa walay kataposang tuyo Niya—1 Cor. 9:24; Efe. 1:11; 3:11:

- A. Tinguhaon gyod nato ang panaw nga gitudlo sa Ginoo alang nato ug matinud-anong maggawi niini, mobayad og bisan unsang bili aron kinasingkasing nga mopadayon sa atong panaw hangtod makaabot ta sa kataposan—2 Tim. 4:7b.
- B. Ang panaw nga gitudlo sa Ginoo alang nato mao ang lumba nga daganon natong tanan—Heb. 12:1.
- C. Kinahanglan ta nga “malahutayong modagan sa lumba nga naa sa unahan nato”—v. 1:
 1. Sama ni apostol Pablo, modagan gyod sa lumba ang tanang Cristohanon aron makadaog sa ganti, dili kaluwasan sa kasagarang kahulogan kondili ganti sa espesyal nga kahulogan—10:35; 1 Cor. 3:14-15; 9:26-27; Fil. 3:13-14.
 2. Malahutayon gyod tang modagan sa lumba, malahutayong moantos sa pag-supak—Heb. 12:2-3.
- D. Modagan ta sa Cristohanong lumba nga “motutok ngadto ni Jesus, sa Mag-uugda ug Maghihingpit sa atong pagtuo”—v. 2a:
 1. Si Jesus ang Mag-uugda sa pagtuo, ang Tigsugod, ang Tig-inagurar, ang tinubdan, ug ang hinungdan sa pagtuo—v. 2:
 - a. Ang pagtuo sa mga magtutuo sa pagkatinuod dili man ang kaugalingon nilang pagtuo kondili si Cristo nga nisulod kanila aron mahimo nilang pagtuo—Rom. 3:22; Gal. 2:16.
 - b. Ang pagtuo nato mao ang pagtamod nato ni Cristo isip reaksyon sa Iyang pagdani—Rom. 10:17.
 - c. Motutok gyod ta ngadto ni Jesus nga wala gyoy laing gitan-aw pinaagi sa paglingiw sa tanang ubang butang—Heb. 12:1-2a; A. A. 1:4; Sal. 27:4.
 - d. Inigtutok nato ni Jesus, palatayan ta Niya nga Espiritung taghatag-og-kinabuhi (1 Cor. 15:45b) sa Iyang Kaugalingon, lakip na sa Iyang elemento sa pagtuo.
 2. Ang pagtuo mao ang kahimoan sa pagpatinuod, ang kahimoan nga niini gi-patinuod kun gihatagan natog pagkamao ang mga butang nga wala makita o gilaoman—Heb. 11:1:
 - a. Bansayon gyod nato ang atong espiritu sa pagtuo, ang nasagol nga espiritu nato, nga motuo ug mamulong sa mga butang nga nasinati nato sa Ginoo—2 Cor. 4:13.
 - b. Naa ang pagtuo sa atong espiritu, nga nasagol sa Espiritu Santo—1 Cor. 6:17.

3. Wala ta magtagad kun magtan-aw sa mga butang nga makita kondili sa mga butang nga dili makita; kay temporaryo lang ang mga butang nga makita, apan walay kataposan ang mga butang nga dili makita—2 Cor. 4:18:
 - a. Ang Cristohanong kinabuhi kinabuhi man sa mga butang nga dili makita—Rom. 8:24-25; Heb. 11:27; 1 Ped. 1:8; Gal. 6:10.
 - b. Ang pagkadaot sa iglesia pagkadaot man gikan sa mga butang nga dili makita ngadto sa mga butang nga makita; ang pahiuli sa Ginoo pagpahiuli man sa Iyang iglesia gikan sa mga butang nga makita ngadto sa mga butang nga dili makita—Juan 20:25; 2 Cor. 5:7; Rom. 8:24-25; 1 Ped. 1:8.
4. Si Jesus ang Maghihingpit sa pagtuo, ang Tighuman ug Tigkompleto sa pagtuo—Heb. 12:2:
 - a. Isip Tigkompleto sa pagtuo, mapadayonon tang gituhopan ni Ginoong Jesus sa Iyang Kaugalingon ingon nga elemento sa pagtuo ug kahimoan.
 - b. Inigtutok nato Niya, ipangalagad Niya ang langit, kinabuhi, ug kusog kanato, palatayan ug patuhopan ta sa tanang pagkamao Niya, aron makadagan ta sa langitnong lumba ug makakinabuhi sa langitnong kinabuhi dinhi sa yuta—2 Cor. 3:18.
 - c. Sa padayon tang motutok Kaniya, humanon ug kompletohon Niya ang pagtuo nga gikinahanglan nato aron makadagan sa langitnong lumba—Heb. 12:1-2a.
- E. Madasig ug mapasidan-an gyod unta ta sa hulagway sa mga anak sa Israel, nga ang panaw nila paingon sa maayong yuta naghulagway sa Cristohanong lumba paingon sa maayong yuta nato, nga si Cristo nga malangkobon-sa-tanan—1 Cor. 10:1-13:
 1. Gitubos na ta ni Cristo, gipagawas na sa paggapos ni Satanas, ug gipadayagan na sa pamatigayon sa Dios.
 2. May purohan pa nga dili ta makaabot sa tumong sa pagtawag sa Dios kanato, sa ato pa, makasulod ug makapanag-iya sa atong maayong yuta, nga si Cristo, ug makapahimulos sa Iyang kadato alang sa gingharian sa Dios aron mahimo tang pagpadayag Niya karong panahona ug makaapil sa kinahingpitang pagpahimulos kang Cristo sa panahon sa gingharian—Fil. 3:12-14; Mat. 25:21, 23.
- F. Ang kataposang bahin sa panaw nga gitudlo sa Dios sa matag usa nato mao ang kinalisorang bahin sa panaw—itandi sa Mar. 6:45-51:
 1. Ang importanteng butang sa Cristohanong kinabuhi pagtinguha man sa panaw nga gitudlo sa Ginoo ug matinud-anong maggawi niini.
 2. Malipay tingali ta nga maanaa sa hustong dalan, apan kadudahan gihapon kon unsaon nato pagdagan ug pagtapos niini.
- G. Dili gyod ta laayan ug maluya diha sa atong kalag tungod sa bisan unsang hinungdan (Heb. 12:3); kita gyod unta kadtong modagan sa lumba hangtod sa kataposan:
 1. Ang laayan kana mang walay kusog diha sa kalag; morag kawang lang ang tanan.
 2. Ang natumba ug nibangon pag-usab maoy labing maayong magdadagan: “Ayaw pagkalipay batok nako, O kaaway ko; / Kon mapukan ko, mobangon ko; / Kon molingkod ko sa kangitngitan, / Si Jehova ang akong kahayag”—Miq. 7:8.
 3. Dili gyod ta moundang, malaayan, o maluya ba diha sa atong kalag; motutok hinuon ta ngadto ni Jesus ug modagan sa lumba nga naa sa unahan nato—Heb. 12:2a.